



**Broj/Број: 02 –50 –1-67-38/'05
Sarajevo/Сарајево: 22.2.2005.god**

ZAPISNIK

38. sjednice Doma naroda Parlamentarne skupštine Bosne i Hercegovine, održane 22. februara 2005. godine

Sjednica je počela u 11,30 sati.

Sjednicom je predsjedavao predsjedavajući Doma naroda Parlamentarne skupštine Bosne i Hercegovine Velimir Jukić.

Na sjednici je bilo 12 delegata.

Delegati Goran Milojević i Halid Genjac opravdali su izostanak.

Osim delegata, na sjednici Doma naroda bili su: predstavnici Vijeća ministara, predstavnici međunarodnih organizacija i predstavnici sredstava javnoga informiranja.

Dom naroda usvojio je sljedeći dopunjeni

DNEVNI RED

1. Odgovori na delegatska pitanja i delegatska pitanja;
2. Zapisnik 37. sjednice;
3. Izvještaj Zajedničke komisije o nastojanju za postizanje sporazuma o identičnom tekstu Zakona o izmjenama i dopunama Zakona o Centralnoj banci BiH;
4. Izjašnjavanje Doma naroda o zahtjevu Vijeća ministara za razmatranje Prijedloga zakona o Javnom radiotelevizijskom sistemu Bosne i Hercegovine po hitnom postupku, u skladu s članom 99. Poslovnika Doma naroda;
5. Izjašnjavanje Doma naroda o zahtjevu Vijeća ministara za razmatranje Prijedloga zakona o Službi za poslove sa strancima po hitnom postupku, u skladu s članom 99. Poslovnika Doma naroda;
6. Izjašnjavanje Doma naroda o zahtjevu Vijeća ministara za razmatranje Prijedloga zakona o izmjenama i dopunama Zakona o namjeni i korištenju dijela imovine koju je BiH dobila po Sporazumu o pitanju sukcesije po hitnom postupku, u skladu s članom 99. Poslovnika Doma naroda;
7. Zahtjev Vijeća ministara za razmatranje Prijedloga zakona o izmjenama i dopunama Zakona o javnim nabavkama po hitnom postupku, u skladu s članom 100. Poslovnika Doma naroda;
8. Prijedlog zakona o učešću pripadnika oružanih snaga BiH, policijskih službenika, državnih službenika i ostalih zaposlenih u operacijama podrške mira i drugim aktivnostima u inozemstvu – predlaže Predstavnički dom;
9. Prijedlog zakona o izvršenju krivičnih sankcija, pritvora i drugih mjera BiH;
10. Prijedlog zakona o izmjenama i dopunama Zakona o krivičnom postupku;

11. Prijedlog zakona o poštama BiH;
12. Prijedlog zakona o izmjenama i dopunama Zakona o osiguranju depozita u bankama BiH;
13. Prijedlog odluke o prodaji nepokretnosti;
14. Davanje saglasnosti za ratifikaciju Evropske konvencije o ekstradiciji;
15. Davanje saglasnosti za ratifikaciju Evropske konvencije o međusobnom pružanju pravne pomoći u krivičnim stvarima;
16. Davanje saglasnosti za ratifikaciju Evropske konvencije o prenošenju postupka u krivičnim stvarima;
17. Davanje saglasnosti za ratifikaciju Evropske konvencije o obeštećenju žrtava krivičnih djela nasilja;
18. Specijalni izvještaj Ombudsmena za ljudska prava Bosne i Hercegovine u vezi sa žalabma stranaka koje se odnose na rad Vijeća ministara BiH- saradnju Vijeća ministara BiH s Ombudsmenom za ljudska prava BiH;
19. Razmatranje:
 - a) Informacije o svim aktuelnim i budućim misijama pripadnika Oružanih snaga BiH, sa Izvještajem Zajedničke komisije za odbrambenu i sigurnosnu politiku;
 - b) Informacije o učešću policijskih službenika u mirovnim misijama, sa Izvještajem Zajedničke komisije za odbrambenu i sigurnosnu politiku.

Ad-1. Odgovori na delegatska pitanja i delegatska pitanja

Dva odgovora na delegatsko pitanje dobio je Goran Milojević, ali budući da je bio odsutan, delegat će se na sljedećoj sjednici izjasniti da li je zadovoljan odgovorom.

Delegat Tomislav Limov postavio je sljedeća pitanja Vijeću ministara BiH:

1. Koje su nekretnine, čiji su korisnici bili JNA i Robne rezerve, a koje su locirane na području Bosne i Hercegovine, do sada prodate, od strane koje institucije, kome su prodate i pod kojim uslovima?
2. Šta su Vijeće ministara i nadležne institucije Bosne i Hercegovine do sada preduzele i šta će preduzeti kako bi pravno bile poništene prodaje državnih nekretnina koje su izvršile nekompetentni niži nivoi vlasti prodajući tuđu (državnu) imovinu?
3. Ko je odgovoran zbog do sada propuštenih ili nestručno provedenih pravnih i diplomatskih radnji i šta će Vijeće ministara BiH preduzeti kako za Bosnu i Hercegovinu ne bi definitivno bila izgubljena Šipadova luka u Šibeniku?
4. Kakav je status imovine državnih, privrednih i drugih subjekata Bosne i Hercegovine locirane na području Državne zajednice Srbije i Crne Gore, Republike Slovenije, Republike Hrvatske i Republike Makedonije, te kakav je status imovine rečenih država locirane na području Bosne i Hercegovine?

U okviru ove tačke dnevnog reda otvorila se rasprava u kojoj su učestvovali: Osman Brka, Hasan Čengić, Velimir Jukić i Đoko Pajić, a povodom emisije “60 minuta” koja se emitira na Federalnoj televiziji.

Osman Brka i Hasan Čengić zatražili su od Kolegija Doma naroda da zauzme stav u vezi s ovom emisijom, gdje su iznesene laži i optužbe na rad delegata u Parlamentu, te da se sazove konferencija za štampu i upozna javnost s radom Doma naroda, tj. da se upozna javnost s brojem zakona koje je u ovom sazivu donio Dom naroda Parlamentarne skupštine BiH a koliko je zakona u ovom periodu nametnuo Visoki predstavnik.

Ad-2. Zapisnik 37. sjednice Doma naroda

Zapisnik 37. sjednice Doma naroda jednoglasno je usvojen.

Ad-3. Izvještaj Zajedničke komisije o nastojanju za postizanje sporazuma o identičnom tekstu Zakona o izmjenama i dopunama Zakona o Centralnoj banci BiH

U raspravi nije niko učestvovao.

Dom naroda jednoglasno je usvojio Izvještaj Zajedničke komisije oba doma o postizanju sporazuma o identičnom tekstu Zakona o izmjenama i dopunama Zakona o Centralnoj banci BiH.

Ad-4. Izjašnjavanje Doma naroda o zahtjevu Vijeća ministara za razmatranje Prijedloga zakona o Javnom radiotelevizijskom sistemu Bosne i Hercegovine po hitnom postupku, u skladu s članom 99. Poslovnika Doma naroda

U raspravi nije niko učestvovao.

Dom naroda je većinom glasova usvojio zahtjev Vijeća ministara za razmatranje Prijedloga zakona o Javnom radiotelevizijskom sistemu Bosne i Hercegovine po hitnom postupku, u skladu s članom 99. Poslovnika Doma naroda.

Ad-5. Izjašnjavanje Doma naroda o zahtjevu Vijeća ministara za razmatranje Prijedloga zakona o Službi za poslove sa strancima po hitnom postupku, u skladu s članom 99. Poslovnika Doma naroda

U raspravi nije niko učestvovao.

Dom naroda jednoglasno je usvojio zahtjev Vijeća ministara za razmatranje Prijedloga zakona o Službi za poslove sa strancima po hitnom postupku, u skladu s članom 99. Poslovnika Doma naroda.

Ad-6. Izjašnjavanje Doma naroda o zahtjevu Vijeća ministara za razmatranje Prijedloga zakona o izmjenama i dopunama Zakona o namjeni i korištenju dijela imovine koju je BiH dobila po Sporazumu o pitanju sukcesije po hitnom postupku, u skladu s članom 99. Poslovnika Doma naroda

U raspravi nije niko učestvovao.

Dom naroda jednoglasno je usvojio zahtjev Vijeća ministara za razmatranje Prijedloga zakona o izmjenama i dopunama Zakona o namjeni i korištenju dijela imovine koju je BiH dobila po Sporazumu o pitanju sukcesije po hitnom postupku, u skladu s članom 99. Poslovnika Doma naroda.

Ad-7. Zahtjev Vijeća ministara za razmatranje Prijedloga zakona o izmjenama i dopunama Zakona o javnim nabavkama po hitnom postupku, u skladu s članom 100. Poslovnika Doma naroda

U raspravi nije niko učestvovao.

Dom naroda jednoglasno je usvojio zahtjev Vijeća ministara za razmatranje Prijedloga zakona o izmjenama i dopunama Zakona o javnim nabavkama po hitnom postupku, u skladu s članom 100. Poslovnika Doma naroda, nakon čega je Zakon jednoglasno usvojen.

Ad-8. Prijedlog zakona o učešću pripadnika oružanih snaga BiH, policijskih službenika, državnih službenika i ostalih zaposlenih u operacijama podrške miru i drugim aktivnostima u inozemstvu – predlagač Predstavnički dom

U raspravi su učestvovali: Tomislav Limov i Velimir Jukić.

Dom naroda je većinom glasova usvojio u prvom i drugom čitanju Prijedlog zakona o učešću pripadnika oružanih snaga BiH, policijskih službenika, državnih službenika i ostalih zaposlenih u operacijama podrške miru i drugim aktivnostima u inozemstvu u identičnom tekstu kao i na Predstavničkom domu.

Ad-9. Prijedlog zakona o izvršenju krivičnih sankcija, pritvora i drugih mjera BiH

U raspravi nije niko učestvovao.

Dom naroda jednoglasno je u oba čitanja usvojio Prijedlog zakona o izvršenju krivičnih sankcija, pritvora i drugih mjera BiH u identičnom tekstu kao i na Predstavničkom domu.

Ad-10. Prijedlog zakona o izmjenama i dopunama Zakona o krivičnom postupku

U raspravi nije niko učestvovao.

Dom naroda jednoglasno je usvojio u prvom i drugom čitanju Prijedlog zakona o izmjenama i dopunama Zakona o krivičnom postupku u identičnom tekstu kao i na Predstavničkom domu.

Ad-11. Prijedlog zakona o poštama BiH

U raspravi je učestvovao Hasan Čengić.

Dom naroda je većinom glasova usvojio u prvom i drugom čitanju Prijedlog zakona o poštama BiH sa sljedećim amandmanima:

Amandman 1.

U članu 3. stav 1. 14. briše se.

Amandman 2.

U članu 10. stav 5. podtačka p) umjesto teksta: «drugih poštanskih uprava» stavlja se tekst «poštanskih uprava drugih zemalja», a za sve podtačke od a) do r) mijenja se raspored i glasi:

- a) Ostvaruje kontakte s poštanskim upravama i međunarodnim poštanskim organizacijama,
- b) Izdaje i oduzima licence poštanskim operaterima za obavljanje poštanskih usluga u skladu s Pravilnikom koji donosi Vijeće Agencije,
- c) Donosi tehnološke propise za funkcioniranje poštanskog saobraćaja na području cijele Bosne i Hercegovine, te predlaže propise kojima se definiraju jedinstveni opći uslovi za vršenje poštanskih usluga i opći standardi univerzalnih poštanskih usluga,
- d) Prati da li se poštanski operater pridržava uslova sadržanih u izdatim licencama, a u slučaju povrede tih uslova ili odredbi ovog zakona, preduzima mjere iz svoje nadležnosti,
- e) Prati poštivanje utvrđenih principa poštanske politike i inicira mjere za otklanjanje svih odstupanja od tih principa,
- f) Prati međunarodne poštanske propise i obavlještava javne operatere i druge operatere poštanskog saobraćaja o njihovom donošenju, izmjenama i dopunama,
- g) Daje saglasnost na ugovore koje zaključuju poštanski operateri u Bosni i Hercegovini operaterima poštanskog saobraćaja poštanskih uprava drugih zemalja,
- h) Utvrđuje metodologiju i principe za obračun međuoperatorskih, tranzitnih i terminalnih troškova i prati njihovu realizaciju,
- i) Prati međunarodni obračun u skladu s utvrđenim principima i propisima Svjetskog poštanskog saveza i raspodjelu unutar operatera,
- j) Utvrđuje jedinstvenu tarifnu politiku za rezervirane usluge na području Bosne i Hercegovine,
- k) Predlaže kriterije za formiranje maksimalnih cijena izvršavanja poštanskih usluga,
- l) Utvrđuje visinu troškova za izdavanje licenci i visinu godišnje naknade za obavljanje poštanskih usluga, kao i rokove za izmirenje obaveza plaćanja,
- m) Daje saglasnost na emisije poštanskih maraka koje izdaju javni poštanski operateri,
- n) Donosi red prijevoza poštanskih pošiljki i pronalazi optimalne pravce tog prijevoza,
- o) Utvrđuje iznos naknade za pokriće gubitaka javnih poštanskih operatera,
- p) Organizira simpozije, stručne seminare i sl.,
- r) Vršuje druge nadležnosti koje su joj povjerene ovim zakonom ili drugim aktima u skladu s ovim zakonom.

Amandman 3.

U članu 10. stav 7. tačka a), u drugoj rečenici riječ «paritetnu» briše se, a u trećoj rečenici riječi «popisu Bosne i Hercegovine» mijenjaju se riječima «posljednjem popisu stanovništva Bosne i Hercegovine iz 1991. godine».

Amandman 4.

U članu 10. u stavu 9. na kraju teksta riječi «Ministarstvu komunikacija i saobraćaja» brišu se a dodaju se riječi «Parlamentarnoj skupštini BiH».

Amandman 5.

U članu 11. stav 1. podtačke: c), e), f), g) i h) mijenjaju se i glase:

- c) Propisivanje putem propisa i drugih akata osnovnih uslova za osiguranje dostupnosti poštanskih usluga na cijeloj teritoriji Bosne i Hercegovine,
- e) Definiranje ciljeva politike Bosne i Hercegovine i praćenje međunarodnih standarda u oblasti poštanskog sistema,
- f) Propisivanje i nadzor tarifne politike za rezervirane usluge i kvaliteta pružanja poštanskih usluga,
- g) Davanje saglasnosti na Statut Agencije,
- h) Predlaganje izmjena i dopuna zakonskih propisa kojima se regulira poštanski saobraćaj u Bosni i Hercegovini.

Amandman 6.

U članu 14. stav 2. riječi «da u tom pravcu na pogodan način prati izvršavanje» zamijeniti riječima «s tim u vezi na prikladan način prati izvršavanje».

Amandman 7.

U članu 17. stav 4. na kraju rečenice briše se tačka i dodaje tekst koji glasi: «koje donosi Ministarstvo transporta i komunikacija BiH, a koji su usklađeni s propisima Evropske unije».

Amandman 8.

U članu 20., u stavu 1. i u stavu 2. znak «-» mijenja se riječju «do».

Amandman 9.

U članu 21., u stavu 1. i u stavu 2. znak «-» mijenja se riječju «do».

Amandman 10.

U članu 21., u stavu 4. riječi «od 3 do 6 mjeseci» mijenjaju se riječima «od 6 mjeseci».

Amandman 11.

U članu 25. dodaje se nova tačka 4. koja glasi:

4.«Postojeće entitetske zakone uskladiti s ovim zakonom u roku 6 mjeseci od stupanja na snagu ovog zakona».

Budući da je Zakon usvojen u različitom tekstu u odnosu na Predstavnički dom, Dom naroda imenovao je sljedeće delegate za članove Zajedničke komisije za nastojanje postizanja sporazuma o identičnom tekstu Zakona:

Hasan Čengić

Velimir Jukić

Vinko Radovanović

Ad-12. Prijedlog zakona o izmjenama i dopunama Zakona o osiguranju depozita u bankama BiH

U raspravi nije niko učestvovao.

Dom naroda jednoglasno je usvojio u prvom i drugom čitanju Prijedlog zakona o izmjenama i dopunama Zakona o osiguranju depozita u bankama BiH s jednim amandmanom.

Amandman 1.

U članu 2. Prijedloga zakona ispred broja «7.500,00 KM» riječ «ili» zamjenjuje se riječju «najviše», a ostali tekst ostaje isti.

Zakon je usvojen u identičnom tekstu kao i na Predstavničkom domu.

Ad-13. Prijedlog odluke o prodaji nepokretnosti

U raspravi su učestvovali: Tomislav Limov, Ilija Filipović, Velimir Jukić, zamjenik pravobranioca BiH, Dragica Miletić, Hasan Čengić, Osman Brka, Vinko Radovanović, Hilmo Neimarlija i Mustafa Pamuk.

Dom naroda je većinom glasova usvojio Prijedlog odluke o prodaji nepokretnosti sa sljedećim zaključkom:

«Odluku o utrošku dobivenih sredstava od prodaje nepokretnosti iz tačke I. Odluke o prodaji nepokretnosti donosi Parlamentarna skupština BiH, na prijedlog Vijeća ministara. Vijeće ministara hitno će dostaviti u parlamentarnu proceduru Odluku o utrošku navedenih sredstava».

Ad-14.-17. Davanje saglasnost za ratifikaciju:

- **Evropske konvencije o ekstradiciji;**
- **Evropske konvencije o međusobnom pružanju pravne pomoći u krivičnim stvarima;**
- **Evropske konvencije o prenošenju postupka u krivičnim stvarima;**
- **Evropske konvencije o obeštećenju žrtava krivičnih djela nasilja.**

U raspravi su učestvovali: Hasan Čengić, Branko Zrno i Velimir Jukić.

Doma naroda jednoglasno je dao saglasnost za ratifikaciju:

- Evropske konvencije o ekstradiciji;
- Evropske konvencije o međusobnom pružanju pravne pomoći u krivičnim stvarima;
- Evropske konvencije o prenošenju postupka u krivičnim stvarima;
- Evropske konvencije o obeštećenju žrtava krivičnih djela nasilja.

Dom naroda usvojio je sljedeći zaključak:

«Traži se od Vijeća ministara BiH, s obzirom da su njegovi članovi i eksperti, uključeni u proces pregovaranja, upućeni u sadržaj, značaj i konkretna rješenja, te kompetentni učestvovati u raspravi na sjednicama Doma naroda i komisija, da redovno osigurava njihovo prisustvo sjednicama Doma naroda kao i prisustvo radu komisija».

Ad-18. Specijalni izvještaj Ombudsmena za ljudska prava Bosne i Hercegovine u vezi sa žalbama stranaka koje se odnose na rad Vijeća ministara BiH- saradnju Vijeća ministara BiH s Ombudsmenom za ljudska prava BiH

U raspravi su učestvovali: Velimir Jukić, Ilija Filipović i Mustafa Pamuk.

Specijalni izvještaj Ombudsmena za ljudska prava Bosne i Hercegovine u vezi sa žalbama stranaka koje se odnose na rad Vijeća ministara BiH- saradnju Vijeća ministara BiH s Ombudsmenom za ljudska prava BiH- skinut je s dnevnog reda zbog neprisustvovanja predstavnika predlagača sa sljedećim zaključcima:

«Dom naroda zahtijeva od Vijeća ministara da obavezno osigura prisustvo predstavnika predlagača sjednicama komisija i sjednicama Doma naroda Parlamentarne skupštine BiH. U suprotnom, ako predstavnik Vijeća ministara ne bude prisutan sjednicama komisija i sjednicama Doma naroda, prilikom razmatranja određene tačke dnevnog reda, ta tačka dnevnog reda neće se razmatrati.»

“Dom naroda Parlamentarne skupštine BiH zahtijeva od Vijeća ministara da, uz prijedloge akata koje dostavljaju u parlamentarnu proceduru, a u obrazloženju tih akata pozivaju se na odredbe određenih međunarodnih pravnih akata, Parlamentarnoj skupštini BiH obavezno dostavljaju i prijevode tih akata na koje se pozivaju.”

Ad-19.Razmatranje:

- a) Informacije o svim aktuelnim i budućim misijama pripadnika Oružanih snaga BiH, sa Izvještajem Zajedničke komisije za odbrambenu i sigurnosnu politiku,
- b) Informacije o učešću policijskih službenika u mirovnim misijama, sa Izvještajem Zajedničke komisije za odbrambenu i sigurnosnu politiku.

U raspravi su učestvovali: Đoko Pajić, Hasan Ćengiđ, Tomislav Limov, Boško Šiljegović, Ilija Filipović i Osman Brka.

Razmatranje:

- a) Informacije o svim aktuelnim i budućim misijama pripadnika Oružanih snaga BiH, sa Izvještajem Zajedničke komisije za odbrambenu i sigurnosnu politiku,
- b) Informacije o učešću policijskih službenika u mirovnim misijama, sa Izvještajem Zajedničke komisije za odbrambenu i sigurnosnu politiku.

skinuto je s dnevnog reda zbog neprisustvovanja predstavnika predlagača.

Sjednica je završena u 18,20 sati.

Sastavni dio ovog zapisnika je neautorizirani transkript sjednice.

SEKRETAR
USTAVNO-PRAVNE
KOMISIJE
 Aljoša, Čampara

PREDSJEDAVAJUĆI
DOMA NARODA
 Velimir Jukić